

ანგარიში

„საქართველოს ზოგადი ადმინისტრაციული კოდექსის“ 49-ე მუხლის შესაბამისად, წარმოგიდგენთ სსიპ „სოფლის მეურნეობის სახელმწიფო ლაბორატორიის“ 2023 წლის ანგარიშს, საქართველოს ზოგადი ადმინისტრაციული კოდექსის“ ინფორმაციის თავისუფლების თავით გათვალისწინებული მოთხოვნების შესრულების თაობაზე. სსიპ „სოფლის მეურნეობის სახელმწიფო ლაბორატორიის“ მიერ, ელექტრონული ფორმით საჯარო ინფორმაციის მოთხოვნის წარმოდგენა უზრუნველყოფილია ლაბორატორიის ელექტრონული პორტალისა (<https://www.sla.gov.ge/>) და ოფიციალური ელექტრონული ფოსტის (contact@sla.gov.ge) მეშვეობით, საქართველოს „ზოგადი ადმინისტრაციული კოდექსი“-სა და „საჯარო ინფორმაციის ელექტრონული ფორმით მოთხოვნისა და პროაქტიულად გამოქვეყნების შესახებ“ საქართველოს მთავრობის 2013 წლის 26 აგვისტოს N219 დადგენილების მოთხოვნათა შესაბამისად.

2022 წლის 10 დეკემბრიდან 2023 წლის 10 დეკემბრამდე საანგარიშო პერიოდში, „საქართველოს ზოგადი ადმინისტრაციული კოდექსის“ მესამე თავის შესაბამისად, ლაბორატორიას საჯარო ინფორმაციის გაცემის მოთხოვნით მომართა 11 განმცხადებელმა. შემოსული განცხადებიდან: 1 იყო შეცდომით გამოგზავნილი და სხვა ადმინისტრაციული ორგანოსთვის განკუთვნილი; სრულად დაკმაყოფილდა 6 განცხადება, საიდანაც 4 შემთხვევაში დაინტერესებული პირი იყო მოქალაქე, 1 შემთხვევაში მედია-საშუალება, ხოლო 1 შემთხვევაში პარლამენტი (ვინაიდან 6 განცხადება, შემოსული იყო საქართველოს გარემოს დაცვისა და სოფლის მეურნეობის სამინისტროს გავლით, მათთვის მიმართვის შედეგად); 1 განცხადებაზე მიმდინარეობს მუშაობა.

დაუკმაყოფილებელი განცხადებები განმცხადებლის მიერ არ გასაჩივრებულა. საანგარიშო პერიოდში ლაბორატორიაში შემოსული განცხადებები შეიცავდა სხვადასხვა სახის ინფორმაციის მოთხოვნას, მაგ

- ლაბორატორიის მიერ სხვადასხვა მიმართულებით გაწეულ ხარჯების შესახებ;
- ლაბორატორიის მიერ განხორციელებული და/ან განსახორციელებელი პროექტების შესახებ;
- სასამართლო დავებთან დაკავშირებულ საკითხებს;
- ამა თუ იმ პოზიციაზე დასაქმებულთა ოდენობას და შრომის ანაზღაურებას.


საჯარო ინფორმაციის გაცემისას, ლაბორატორია ხელმძღვანელობს საქართველოს კონსტიტუციის „პერსონალურ მონაცემთა დაცვის შესახებ“ საქართველოს კანონისა და „საქართველოს ზოგადი ადმინისტრაციული კოდექსი“-ს შესაბამისი მუხლებით. საჯარო ინფორმაციის ხელმისაწვდომობა ასევე უზრუნველყოფილია ინფორმაციის პროაქტიულად გამოქვეყნების გზით ლაბორატორიის ოფიციალურ ვებ-გვერდზე.

სსიპ „სოფლის მეურნეობის სახელმწიფო ლაბორატორია“ არ წარმოადგენს კოლეგიურ საჯარო დაწესებულებას. შესაბამისად, სხდომის დახურვის შესახებ გადაწყვეტილებები არ არის მიღებული საანგარიშო პერიოდში. ლაბორატორიის ცალკეული სტრუქტურული ერთეულები, მათთვის დებულებით დაკისრებული საჯარო უფლებამოსილების ფარგლებში ახორციელებენ პერსონალური მონაცემების შეგროვებას, დამუშავებას და შენახვას. უწყებაში პერსონალური მონაცემები დაცულია, როგორც ელექტრონული, ისე მატერიალური სახით. ლაბორატორიის დოკუმენტბრუნვის ელექტრონულ სისტემაში (edoc) ინახება ელექტრონული ფორმით არსებული

პერსონალური მონაცემები, რომლებსაც განმცხადებელი უთითებს მის მიერ წარმოდგენილ განცხადებაში. აღნიშნულ მონაცემებზე წვდომა აქვთ მხოლოდ იმ პირებს, რომლებსაც, მათი სამსახურებრივი საქმიანობიდან გამომდინარე, მინიჭებული აქვთ ამგვარი მონაცემების დამუშავების და შეგროვების უფლებამოსილება.

დოკუმენტბრუნვის ელექტრონულ

სისტემაში არსებული პერსონალური მონაცემების უსაფრთხოება უზრუნველყოფილია შესაბამისი ინფორმაციულ-ტექნოლოგიური საშუალებებით, რაც გამორიცხავს არაუფლებამოსილი პირებისთვის პერსონალურ მონაცემებზე წვდომას. სამინისტროს მიერ პერსონალური მონაცემების შეგროვებასთან, დამუშავებასთან, შენახვასა და გადაცემასთან დაკავშირებული წარმოება ხორციელდება „პერსონალურ მონაცემთა დაცვის შესახებ“ საქართველოს კანონისა და „საქართველოს ზოგადი ადმინისტრაციული კოდექსის“ მე-3 თავის მოთხოვნათა შესაბამისად. საანგარიშო პერიოდში, ლაბორატორიაში მოსამსახურეთა მიერ „საქართველოს ზოგადი ადმინისტრაციული კოდექსით“ დადგენილი მოთხოვნები არ დარღვეულა. შესაბამისად, პასუხისმგებელ პირებს შესაბამისი დისციპლინური სახდელი არ შეფარდება. ირაკლი გულედანი



დირექტორი